



三備志
十三
之
十五

ケ 5
61
6





武備志卷十三

貴味蘇裝十二

兵訣評

太白陰經一

唐李筌作摘其論兵法者三十二篇餘見別類

天無陰陽篇第一

地無險阻篇第二

人無勇怯篇第三

主有道德篇第四

防風茅元儀輯



國有強富篇第五
 賢有遇時篇第六
 將有智謀篇第七
 術有陰經篇第八
 數有探心篇第九
 政有誅強篇第十
 善師篇第十
 貴和篇第十二
 廟勝篇第十三

沉謀篇第十四
 子卒篇第十五
 選士篇第十六
 勵士篇第十七
 刑賞篇第十八
 地勢篇第十九
 兵刑篇第二十
 作戰篇第二十一
 攻守篇第二十二

行人篇第二十三
擇才篇第二十四
投鉞篇第二十五
部署篇第二十六
將軍篇第二十七
陣將篇第二十八
隊將篇第二十九
征馬篇第三十
鑒人貌篇第三十一

誓衆軍令篇第三十二 原三十三

天無陰陽篇第一

經曰天圓地方本無陰陽陰陽既形逆之則敗順之則成蓋敬授人時非用兵也夫天地不爲萬物所有萬物因天地而有之陰陽不爲萬物而生萬物因陰陽而生之天地不仁以萬物爲芻狗陰陽之於萬物有何情哉夫火之性自炎不爲焦灼萬物而生其炎水之性自濡不爲深蕩萬物而生其濡水火者一其性而萬物遇之自有差殊陰陽者

一其性而萬物遇之自有榮枯若水火有情能浮
石沉木堅金流土則知陰陽不能勝敗存亡吉凶
善惡明矣夫春風來草木甲折而積廩之粟不萌
秋夫雨霜百卉是菲而蒙蔽之草木不傷陰陽寒
暑不爲人謀所變人謀成敗豈爲陰陽而變之哉
昔王莽招天下善輶鈴者六十三家悉補軍吏備
於行間及昆陽敗會太雷風屋瓦皆飛電雨下樹
當是之時豈三門不興五將不廢耶亭亭白好錯
設太歲月建邪當是之時殆至於此張伯松者值

亂出居營內爲賊所逼營中豪傑悉皆遁去伯松
曰今日反吟不可出奔俄然賊至伯松被殺妻子
被擄財物被掠相談語曰至愚之人解避惡時不
避惡事則陰陽之於人事有何情哉大公曰任賢
使能則不日月而事利明法審令則不下筮而事
吉責功賞勞則不禱祠而得福人無厚德而用日
月之數不識敵之強弱而幸於天時無智無慮而
候於雲氣少勇少力而望於天福怯不敢擊而待
龜筮士卒不募而法鬼神設伏不巧而任向背之

武備志卷十三
道凡天道鬼神視之不見聽之不聞索之不得虛
無之形不可以決勝負不可制死生故良將不法
而衆將不能也孫武曰明王聖主賢君良將所
以動而勝入成功出於衆者先知也先知不可取
於鬼神不可求象於事不可驗之於度必須求之
於人吳起曰料敵有不卜而戰者先知也范蠡曰
天時不作不爲人害人事不起不爲人始天時者
敵國水旱災害虫蝗霜雷荒亂之時非狐虛向背
之天時也太公曰聖人之所生也欲正後世故作

爲誦書而寄勝負於天時無益於兵也夫如是則
天道之於兵有何傷陰陽哉

地無險阻篇第二

經曰地利者爲兵之助尤近於天時不可恃也昔
三苗氏左洞庭右彭蠡逆德不修禹滅之夏桀之
居左河濟右太華伊門在其南羊腸在其北修政
不仁湯放之殷紂之居左孟門右太華常山在其
北大河經其南荒淫敗政武殺之秦之地左崤函
右北隴終南太華居其前九原上郡居其後刑政

不道子嬰迎降於軹道姚泓面縛於霸上吳之居
五嶺在其南三江在其北左滄海右衡山德義不
修吳主終於歸命侯陳主卒於長城蜀之分左巫
峽右印熨南有瀘淇之障北有劍閣之險時無英
雄劉禪不能守李勢不能固由此而言天時不能
佐無道之主地利不能守亂世之國唯明主能知
之智將能守之地奚有險易哉

人無勇怯篇第三

經曰勇怯有性強弱有地秦人勁晉人剛吳人弱

蜀人懦楚人輕齊人多詐越人澆薄海岱人壯淮
泗人懦崆峒人武燕趙人銳涼隴人勇韓魏人厚
地勢所生人氣所受勇怯然也勇怯在謀強弱在
勢謀圓勢成則怯者勇謀奪勢失則勇者怯既秦
人勁申屠之子敗於葦關社洪之將北於戲水則
秦何得而稱勁吳人怯吳王夫差兵無敵於天下
敗齊於艾陵長晉於潢池則吳人何得而稱怯蜀
人懦諸葛亮據巴蜀之衆窺兵中原身為僵屍而
威加魏將則蜀人何得而稱懦楚人輕項羽破秦

軍虜王離殺蘇角威振海內諸將俯伏莫敢仰窺
則楚人何得而稱輕齊人多詐田橫藏五百死士
東奔海島及橫死同日而伏劍則齊人何得而稱
多詐越人澆薄越王勾踐以殘亡之國恤孤之衆
凡九年滅吳以弱爲強以小取大則越人何得而
稱澆薄燕趙人銳蚩尤敗於涿鹿燕丹死於易水
王浚縛於薊門公孫瓚於上谷則燕之人何得而
稱銳涼隴之人勇符堅擁全晉之師百有餘萬役
鞭足北江水恃其勇也及淮泗之敗草行露宿夜

聞風聲鶴唳以爲王師將至則涼隴之人何得而
稱勇勇怯在乎法成敗在乎智怯人使以刑則勇
勇人使以賞則死能移人恒變入之心者在刑賞
之間勇之與怯人何有哉

主有道德篇第四

經曰古者三皇得道之統立於中央神與化遊以
撫四方天下無所歸其功五帝則法天地有言有
令而天下太平君臣讓其功道德廢王者出而尚
仁義仁義廢霸者出而尚智力智力廢戰國出而

此等語
非漢後
人所能
辨

尚譎詐聖人之道不足以理則用法法不足以理
則用術術不足以理則用權權不足以理則用勢
勢用則大兼小強吞弱周建一千八百諸侯其後
併為六國連兵結難戰爭始起六國之君踈道德
而親權勢權勢行則不得親道德廢則不得不踈
理其然也惟聖人能反始復本以正理國以奇用
兵以無事理天下正者名法也奇者權衡也以名
法理國則萬物不能亂以權衡用兵則萬物不能
敵以無事理天下則萬物不能撓不撓則神清神

清者智之泉智平者心之符神清智平乃能形萬
物之情人主之形萬物之情財而用之則君子小
人不失其位夫德厚而位卑者謂之過德薄而位
尊者謂之失寧過於君子不失於小人過於君子
則天闕於理失於小人則物罹其殃故曰人不鑿
於流水而鑿於澄水者以其清且平也人主之道
清平則任人不失其才六官各守其職四封之內
百姓之事任之於相四封之外敵國之事任之於
將語曰將相明國無兵舜以干戚而服苗魯以泮

富而來淮夷以道勝者帝以德勝者王以謀勝者
霸以力勝者強強兵滅霸兵絕帝王之兵前無敵
於天下人主之道信其然也

國有強富篇第五

經曰國之所富強者審權以機柄審數以御人課
農者術之在專而富在粟計戰者權之在謀而強
在兵故曰興兵而伐叛則武爵任武爵任則兵強
按兵而勸農則粟爵任粟爵任則國富國不法地
不足以成其富兵不法謀不足以成其強古者聖

盡之矣

人法天而皇賢君法地而帝智主法人而霸乘天
之時因地之利用人之力可以富強乘天之時者
春樹穀秋植麥夏長成冬備藏因地之利者辨燥
濕別土宜疏泉源浚溝洫國有天地之饒而人不
足於食器械不備也國有山海之利而人不足於
財商工不備也通四遠之珍異以有易無謂之商
旅餘力以長地財用資軍實謂之農夫理絲麻成
其衣服謂之女工雲夢之毛羽黔溪之丹砂荆揚
之皮革骨象江衡之楠梓會稽之竹箭燕齊之魚

武備志卷十三
鹽羶裘充豫之漆絲絺紵鄭之刀宋之筋吳越之劍魯之削燕之角荆之幹汾湖之箭吳越之金錫此地之利也燕之涿薊趙之邯鄲魏之溫軹韓之滎陽齊之臨淄楚之完丘陳鄭之陽翟三川之二周越之具區楚之雲夢齊之鉅野宋之孟豬此地之良也共居其地非有災害疾病而貧賤者非惰而奢共居其地世無奇業而獨富貴者非險則力同列而相臣妾者貧富使然也同實而相兼者強弱使然也同地而或強或弱者理亂使然也苟有

道理地足容身士人可致也苟有市井交易所通財貨可聚也夫有容身之地智者不言弱有市井之利智者不言貧不患無財不畏強禦故神農教耕而王天下湯武征伐而服諸侯國愚則智可必強國智則力可以強用智者可於強於內而富於外用力者富於內而強於外是以漢武帝平百粵以爲國圃却羗胡以爲國園珍怪異物充於後宮駒駝駃騠實於外廐匹庶豕豎良民間厭橘柚此謂智於內而富於外也秦孝公行墾草之令使商

不能糴農不得糶廢逆旅一山澤貴酒肉之賈重
開市之賦使農逸而商勞行之數年而倉廩實人
知禮義至於始皇以爲軍資東向而吞諸侯此謂
力富於內而強於外者也故知霸王之業非智不
戰非農不贍過此以往富強者未之有也

賢有遇時篇第六

經曰賢人之生於世也無籍地無貴宗無奇狀無
智名無勇功或賢而或愚乍癡而乍醒不可以事
迹有不可以人物得其得者在明君之心道合而

智同信得而言順如覆水之於地先流其濕如燎
火之於原先就其燥故伊尹有莘之耕夫夏癸之
酒保湯得之於鼎飪之間自代而放桀太公朝歌
之鼓力孟津之賣漿周得之於垂綸之下伐紂而
立武庚伍員被髮徒跣披弓持矢乞食於吳王闔
閭嚮風而高其義下階而迎之三日無語而言無
復疑者范蠡生於五戶之墟爲結童時肉視若盲
反聽若聾時人謂之狂丈夫文種來覩而知其賢
扣門請謁相與歸霸於地戶管夷吾來縛魯齊桓

任之以相百里奚自鬻於虞秦穆委之以政韓信
淮陰之怯夫南鄭之亡卒漢高歸之以計故曰人
君之心如鑿鏡如淳泉真明於中形物於外則使
收賢任能不失其時也非心之見非智之知因人
視之借入聽之其猶眩瞽以黼黻招聾夫以郭
武玄黃宮微無貫於心欲求得人而幸其霸未之
有也是以五帝得其道而興三王失其道而廢廢
興之道在人心遭賢之時非在於兵強地廣人
殷國富也

將有志謀篇第七

經曰太古之初伯皇氏至子容成氏不令而民自
化不罰而民自齊不賞而人自勸不知怒不知喜
怡然若赤子庖犧氏神農氏教而不誅軒轅氏陶
唐氏有虞氏誅而不怒蓋三王之政以道五帝之
政以德夏殷衰湯武王道德廢智謀用秦用商鞅
李斯之智而併諸侯漢任張良陳平之智而滅項
羽光武任寇恂馮異之智而降王莽樊崇曹操任
許攸曹仁之智而破袁紹孫權任周瑜魯肅之智

靜幽正
理四字
合乎先
天之道

而敗魏武先主任諸葛孔明之智而王西蜀晉任
杜預王濬之智而平南吳符堅任王猛之智定八
州之衆石勒任張賓之智而生擒王浚拓拔氏任
崔浩之智而保河朔之師宇文任李穆之智挫高
歡之銳梁任王僧辨之智而戮侯景隋任高煥之
智而面縛陳後主太宗任李靖之智而敗頡利可
汗有國有家者未有不在智謀而成帝業者也故
將軍之事靜以幽正以理以神察微以智役物先
福於重關之內虞患於杳冥之外者將之智謀也

術有陰經篇第八

經曰古之善用天下者必量天下之權而研諸侯
之慮量權不審不知強弱輕重之稱揣情不審不
知隱匿變化之動靜莫難於用知揣莫難於悉
舉事莫難於必成此三者聖人能任之征有百勝
之術非善之善者也不如不戰而屈人之師善之
善者也夫太公止用計謀其次因入事其下用戰
伐用計謀者荒惑敵國之主陰遣諛臣以事之尤
之以巫祝使其尊鬼神也重其綵色文綉使其賤

糴而易之貴糴其菽粟使空其倉廩遺之美好使榮其志遺之巧匠使起官室高樓竭其財疲其力移其心易其性使變更謬俗侈暴驕恣而無聖人之教愛人而與官無功而與爵未勞而賞喜則釋罪怒則妄殺法居而自順令出而不行信著龜卜筮鬼神禱祠讒諛諂佞奇伎貨財行於門戶其所謂是者皆所謂非也皆是離君臣之際塞忠讜之路然後淫之以色玩之以利娛之以樂養之以味以信爲欺以不信爲信以忠爲詐以不忠爲忠

諫者死阿諛者賞以君子居草野以小人居廊廟急令暴刑人不堪命所謂赤戰以陰謀經之其國已可破矣以兵縱之其君可虜其國可隳其城可拔其衆可潰故湯用此而殷紂戮越用此而吳國墟楚用此而陳蔡舉之晉用此而智氏殘韓用此而東周分儒生之言兵皆曰強大者必勝小弱者必滅是則小國之君無霸王之業萬乘之君無破亡之兆昔夏廣而殷狹殷大而用小越弱而吳強所謂不戰而勝者陰經之術夜行之道文武之數

聖人昭然獨見怡然獨喜其在茲乎

數有探心篇第九

經曰古者隣國烽烟相望雞犬之聲相聞而足迹不接於諸侯之境車軌不結於千里之外以道存生以德安形人樂其居後世澆風長而淳朴散權智用而譎詐生隣國往來專用間謀從橫之士專隱括之人入矣徐守仁義社稷虛魯尊儒墨宗廟殄滅非達與智慧不能禦伐不勞心苦思不能原事不悉見物情不能成名才賢不明不能用兵

戰國人
伎量不
出範圍

名實不真不能知人是以鬼谷先生述捭闔揣摩飛指抵戲之篇以教蘇秦張儀游說諸侯之國而探諸侯之心於是術數行焉夫用探心之數者必先以道德仁義禮樂忠信詩書經傳子史計謀成敗演如雜說包而羅之澄其心靜其志同入之心於有所愛惡知止去就從欲而攻之陰慮而陽發必虛往而實來此虛言而往彼實心而來因其心察其容聽其聲考其辭言不合者反而求之其應必出既得心反射其意符應不失契合無一膠而

深○之○無○使○復○反○如○養○由○基○之○操○弓○逢○蒙○之○放○矢○其
發○無○不○中○的○者○其○猶○設○罝○罾○以○羅○魚○兔○張○其○會○磔
其○要○脇○其○虛○動○必○衝○繼○而○挂○自○亦○奚○有○所○遺○哉○然
探○仁○人○之○心○必○以○信○勿○以○財○探○勇○士○之○心○必○以○義
勿○以○懼○探○智○士○之○心○必○以○忠○誠○勿○以○欺○殆○探○愚○人
之○心○必○以○蔽○勿○以○明○探○不○肖○之○心○必○以○懼○勿○以○常
探○好○財○之○心○必○以○賄○賂○勿○以○廉○貞○夫○與○知○者○言○必
依○於○博○智○有○涯○而○博○無○涯○則○智○不○可○以○測○與○博○者
言○依○於○辨○博○陳○古○而○辨○應○今○則○古○不○可○御○今○與○貴

者○言○依○於○勢○貴○位○高○而○勢○制○高○則○位○不○可○以○乘○勢
與○富○者○言○依○於○物○富○積○財○而○物○方○寶○則○財○不○足○以
易○寶○與○貧○者○言○依○於○利○貧○匿○之○而○利○豐○賍○則○乏○不
可○以○周○豐○與○賤○者○言○依○於○謙○賤○不○謙○而○謙○降○下○則
賤○不○可○以○語○謙○與○勇○者○言○依○於○敢○勇○不○懼○而○敗○剛
毅○則○勇○不○可○以○懼○剛○與○愚○者○言○依○於○銳○愚○質○而○銳
聰○明○則○不○可○察○聽○此○人○者○皆○本○同○其○道○而○未○異○其
表○同○其○道○人○所○欲○聽○異○其○表○聽○表○而○不○曉○如○此○則
不○測○淺○不○測○深○吾○得○出○無○間○入○無○朕○獨○往○獨○來○或

論到獨
字方神

故曰聖人用獨

上謂中
翻之說
萬事一
轍

縱或橫如偃枯木使東而東使西而西如引停水
決乏則流壅乏則止謀何患乎不從哉夫道貴制
人不貴制於人制人者握權也則制於人者制命
也制人之術避人之所長攻人之所短見已之所
長蔽已之所短故獸之動必先其爪牙禽之動必
先於嘴距螫虫之動必先其毒水虫之動必先其
甲夫禽獸虫蟻之屬尚用其所長以制物况於智
士乎夫人好言道德者必以仁義折之好言儒墨
者必以縱橫銜之好談名法者必以權橫挫之必

垂其始合其終摧其牙落其角使無出吾之右徐
以慶吊以言憂喜其心使其神不得為心之主長
生安樂富貴榮華聲色喜悅慶言也死亡憂患貧
賤苦辱刑戮誅罰弔言也與貴者言弔則悲與賤
者言慶則悅悅其心迎其意或慶又或弔以感其
志情變於內者形先於外當以其所見而觀其隱
所謂測隱探心之數也雖有先王之道聖智之術
而無此者不足以成霸王之業也

政有誅強篇第十

兵談評 大白陰經一

十一

經曰夫國有亂軍者士卒怯弱器械柔鈍政令不
 一賞罰不明不預焉所謂亂軍豪家強臣昏姻嬖
 昵為吾下吏權軍之勢擅將之威公政私計上發
 謀下議議上申令下不行猛如虎貪如狼強不可
 制者是謂亂軍皆誅之是故文宣王誅少正卯於
 兩觀而魯國清田穰苴斬莊賈於表下而定齊魏
 絳戮楊干於亂行而諸侯服項籍斬宋義於帳中
 而天下怖夫誅豪者益其威戮強者增其權威權
 生豪強之身而不在于士卒之庸豪強有兼才者

則駕而御之教而道之如畜鷲鳥養猛獸必餓其
 饑飽剪其爪縻其足呼而隨之嗾而走之宰籠其
 心使馴吾之左右豪強無兼才者則長惡恣其武
 縱其心橫其志使禍盈於三軍怨流於百姓然後
 誅之以壯吾氣故曰不善者善人之資為國之將
 為國之師不誅豪強何以成軍之威哉

武備志卷十一

[Faint bleed-through text from the reverse side of the page]

武備志卷十四

防風茅元儀輯

兵訣評

太白陰經 二

善師篇第十一

經曰兵非道德仁義者雖霸有天下君子不處也
周德既衰諸侯自作禮樂專征伐始於魯隱公齊
以伎擊強魏以武卒奮秦以銳士勝說以孫吳為
宗惟荀卿明於工道而非之謂齊之伎擊是亾國

之兵魏之武卒是危困之兵秦之銳士是蹈利之
兵至於齊桓晉文之師可謂入其域而有節制矣
故齊之伎擊不可以遇魏之武卒魏之武卒不可
以值秦之銳士秦之銳士不可以當桓文之節制
桓文之節制不可以敵湯武之仁義故曰善師者
不陣善陣者不戰善戰者不敗善敗者不亡黃帝
獨立中央而勝四帝所謂善師者不陣也湯武征
伐陳師誓衆而放桀擒紂所謂善陣者不戰也齊
桓公南服強楚使貢周室北伐山戎爲燕開路所

謂善戰者不敗也楚昭王遭閭閻之禍國滅出亡
父老相與奔秦請救秦人出兵楚主反國所謂善
敗者不亡也凡兵所以存亡繼絕救亂除害故伊
呂之將子孫有國與殷周並至末代苟任詐力以
決去貧賤孫吳韓白之徒皆身被形戮子孫不傳
於後蓋兵者凶器戰者危事陰謀逆德好用凶器
非道德忠信不能以兵定天下之灾除民之害也
貴和篇第十二
經曰先王之道用和爲貴貴和重人不尚戰也春

秋左傳曰君若以德綏諸侯誰敢不服君若以力加楚國方城以爲城漢水以爲池雖軍之衆無所用也是故晉悼公使魏絳和諸戎以正諸華八年之中九合諸侯如樂之和無所不諧姜戎氏亦歸晉惠公爲不侵不叛之臣於是有峭之師譬如捕鹿者晉人掎之戎人角之夫有道之主能以德服人有仁之主能以義和人有智之主能以謀勝人有權之主能以勢制人戰勝易和勝難語曰先王耀德不觀兵夫戰而對動動則威觀則玩玩則無

震故有衣裳之會無有歛血之盟有兵車之會未嘗有太戰之名兵者不祥之器不得已而用之古者先王所以舉而勝人成功出於衆者先文德以懷之懷之不服飾玉帛以啖之啖之不來然後命上將練車馬銳兵甲攻其無備出其不意所謂叛而必討服而必柔既懷既柔可以示德夏書曰戒之用休董之用成夫如是則四夷不足吞八戎不足

廟勝篇第十三

經曰天貴持盈不失陰陽四時之綱紀地貴定順
不失生長平均之所宜人貴節事調和陰陽布告
時令事來應之物來知之天下盡其忠信從其政
令故曰天道無災不可先來地道無殃不可先唱
人事無失不可先伐四時相承水旱愆和冬雷夏
霜飛蟲余苗天災也山崩川涸土不稼穡水不潤
下五菜不樹八穀不成地殃也重賦苛政高臺深
池興役遇時禽酒色荒遠君子昵小人用兵好征
伐人殃也必見天災又觀地殃傍觀人殃不則天

不可動不法地不可行征伐不和於人不可成天
贊其時地資其財人定其謀盡見其陽妙察其陰
先觀其迹後知其心所謂勝兵先勝而後求戰敗
兵先戰而後求勝故曰未戰而廟算不勝者得算
少也未戰而廟算勝者得算多也多算勝少算不
勝而况于無算乎以觀之勝負易見矣

沉謀篇第十四

經曰善用兵者非信義不立非陰謀不勝非奇正
不列非詭譎不戰謀藏於心事見於迹心與迹同

者敗心與迹異者勝故曰兵者詭道也故能而示
之不用心謀大迹示小心謀取迹示與其真疑
其詐二者不決則強弱不分離乎若玄雲之無象
漾乎若滄海之不測如此則陰陽不能算鬼神不
能知智術所不能窮卜筮所不能占而况於將乎
夫善戰者勝敗生於兩陳之間其謀也策不足聽
其勝也形不足觀能言而不能行者國之賊能行
而不能言者國之用故曰至事不說而太兵不言
微乎神乎故能通天地之理備萬物之情是故貪

者利之使其難厭強者卑之使其驕矜親者離之
使其携貳難厭則失政驕矜則虞守廢携貳則謀
臣去周文離殷而商紂弒勾踐卑吳而夫差戮漢
祖離楚而項藉亡是故屈諸侯者以言殺諸侯者
以策夫善用兵者攻其愛敵必從擣其虛敵必隨
多其方敵必分疑其事敵必備速隨不得守城分
備不得并兵則我逸而敵勞敵寡而我衆夫以佚
繫勞者武之順以勞繫佚者武之逆以衆繫寡者
武之勝以寡繫衆者武之敗能以佚繫勞以衆繫

寡者吾所以得全勝矣夫竭三軍之氣奪一將之心疲萬人之力斷千里之糧者不在武行陣之勢而在握志算之中今觸今而卷之不盈於懷袖沉今密今而舒之可經於淮海五寸之鍵能制開闔方寸之心能易成敗智固萬物而不殆始遣順天而信入察始而知終則謀何患乎不從哉

子卒篇第十五

經曰古者用人之力一歲不過三日籍歛不過十
一公劉好貨居者有積倉行者有裹囊太王好色

內無怨女外無曠夫文王作刑國無寃獄武王行師士樂其死古之善子卒者未有不_ス成能得其心而得其力者也未有不能得其力而得其死者也故國必有親愛禮信之義然後人以饑餓易飽國必有孝慈廉恥之俗而後以死易生人之所守戰至死不_レ衰者上之所施於人者厚也上施厚則人報之易厚士之於將非有骨肉之親戰至死不_レ衰者上之所加施於人者厚也上施厚者冒鋒鏑賞千兩死不_レ旋踵必以恩信養之禮恕道之小惠漸

乏如慈父之育愛子也故救其阽危拯其塗炭卑
身下士齊其甘苦親臨疾病寒不衣裘暑不揮扇
登不乘馬暑不張蓋軍幕未辦將不言坐軍井未
達將不言渴以妻子補縫於行間以身分工於作
役篳醪之匱必役於河挾纊之言必巡於軍是以
人喜金鐸之聲卒鼓勇敢之氣者非惡生而樂死
思欲致命以報之於將也是故視卒如嬰兒可以
赴深谿視卒如愛子可與之俱生死厚而不能使
愛而不能令亂而不能理譬如驕子不可用也是

故令之以文齊之以武是謂必取語曰夫妻諾可
攻齊一僕庶可攻魯王翦李牧吳起田單穰苴竟
以此術而兵強於諸侯

選士篇第十六

經曰部六軍之衆者百萬之師而無選鋒湏而雜
用則智者無所施其計辯者無所施其說勇者無
所施其敢力者無所施其壯無異獨行中原亦奚
取於勝敗哉軍無選鋒曰北夫選士以賞賞得其
進也用士以刑刑懼其退也古之善選士者縣賞

於中軍之門有沉深密謀慮出人表者上賞得而
禮之名曰智囊之士有辭從理衡飛箱闡闔能知
人之性奪人之心者上賞得而禮之名曰辯說之
士有得敵國君臣聞問請謁之情性者上賞得而
禮之名曰間謀之士有知山川井泉水草次舍道
路迂直者上賞得而厚之名曰鄉導之士有製造
五兵攻守利器奇變詭譎者上賞得而厚之名曰
伎巧之士有引五石之弓矢貫五札戈矛劍戟便
於利用陸搏犀兕水擢黿鼉挑身捕虜搴旗鼓

者上賞得而撫之名曰猛戾之士有立乘奔馬左
右超忽踰越城堡出入廬舍而無形迹者上賞得
而聚之名曰矯捷之士有往還二百里者上賞得
而聚之名曰疾足之士有力負二百二十斤行五
十步者上賞四百二十斤者次賞得而聚之名曰
巨力之士有步五行運三式多言天道詭說陰陽
者下賞得而存之名曰伎術之士天下才士之用
皆盡其才任其道計謀使智囊之士談說使說辨
之士離親合疎使間謀之士深入諸侯之境使鄉

道之士建造五兵使技巧之士摧鋒捕虜守危攻
強使猛毅之士掩襲侵掠使矯捷之士探報計期
使疾足之士破堅陷剛使巨力之士誣愚惑癡使
伎術之士此謂任才之道選士之術也一王之后
五霸之辟得其道而興與失其道而亡興亡之道
不在人主聰明文思其在選士任能之當才也

勵士篇第十七

經曰感激人之心勵士之氣發號施令而人樂聞
興師動衆而人樂戰交兵接刃令人安死在於以

戰勸戰以士勵士夫木石無心猶可動况於人乎
古先帝王霸有天下戰勝於外班師較功集衆於
中軍之門上功賜以金章紫綬錫以錦綵之衣繒
帛以豐儉爲準坐以重茵上席享以太牢飲以醇
酒父母妻子皆賜紋綬之服坐以重席享以少牢
飲以酣酒大將軍奉賜偏將軍奉觴大將軍令於
衆曰戰士某乙等奮不顧身攻超百萬斷元戎之
首奉大將軍之旗功高於人錫以上賞子孫後嗣
長稱卿大夫之家父母妻子皆受重賞牢席有差

衆士咸知其功賜之銀章朱綬紋綾之服坐以重席享以少牢飲以醕酒父母妻子錫以繒帛坐以單席飲以醢酒偏將軍奉賜子將軍奉觴大將軍令於衆曰戰士某乙等勇冠三軍才輕百戰斬驍雄之首奪虎豹之旗功出於人錫以次賞子孫後嗣長爲勛給之家父母妻子皆受榮賞牢席有差衆士咸知其下功賜以布帛之衣坐以單席享以雞豚飲以醢酒其父母妻子立而無賞坐而無席子將軍奉賜卒長奉觴大將軍令於衆曰戰士

某乙等戮力行間劬勞歲月雖無奉旗斬將之功實有跋涉疆場賜以下賞子孫後嗣無以庇緒父母妻子不及坐享衆士咸知令畢命上功起舞再拜大將軍上功讓曰某乙忝列王臣行大將軍令敢不盡節有媿無功而受上賞再拜大將軍避席曰某乙不德謬居師長賴子之功梟縣凶逆盛績美事某無專擅退而復坐命次功再拜上功上功坐受曰某乙無功無勇遵師長之命有進死而榮無退生而辱身受殊賞上光父母下及妻子子其

武備志卷十四
勉旃次功退而復坐命下功再拜次功次功坐受
曰某乙少猛寡毅遵師長之命決得勝於一時身
受次賞上光父母下及妻子子其勉旃下功退而
復坐夫如是勵之一會則鄉勉黨里勉鄰父勉子
妻勉夫二會則縣勉朋州勉友三會則行路相勉
聞金鼓之聲相踐而出鄰邦敵國邑無堅城何患
乎不勵哉

刑賞篇第十八

經曰有虞氏畫衣冠異章服以刑輔謬而奸不犯

發古人所未發

其人淳也湯武鑿五刑傷四肢以謬輔刑而奸不
爲其人薄也有虞氏非仁也湯武非暴也其道異
者時也古之善理天下者不賞仁賞仁則爭爲施
而國亂不賞智賞智則爭爲謀而政亂不賞忠賞
忠則爭爲直而軍亂不賞能賞能則爭爲巧而事
亂不賞勇賞勇則爭爲先而陣亂夫蒞政以仁權
謀以智事君以忠制物以能臨敵以勇此五者士
之常賞常賞則致爭爭則政亂亂則非刑不治故
曰賞者忠信之薄亂之所由生刑者忠信之戒禁

之所由成刑多而賞少則無刑賞多而刑少則無
賞刑過則不善賞過則多奸王者以賞禁奸以刑
禁勸善求過不求善而人自爲善賞文也刑武也
又武者軍之法國之柄據罪而制刑按功而設賞
賞一功而千萬人悅刑一罪而千萬人懼賞無私
善刑無私罪是謂軍國之法生殺之柄故曰能生
而能殺國必強能生不能殺國必亡又曰能生而死
而救赦殺者王也刑賞之術無私于人常公于世
以爲其道也非自立于堯舜之時非自逃于桀紂

之朝用得之則天下治用失之則天下亂理亂之
道在于刑賞不在于人君過此以往雖強綸宇宙
纏絡萬品生殺之外聖人精而不言哉

地勢篇第十九

經曰善戰者以地強以勢勝如轉圓石于千仞
之蹊者地勢然也千仞者險之地圓石者轉之勢
地無千仞而有圓石置之窰塘之中則不能復轉
地有千仞而無圓石投之以方稜編編則不能復
移地不因險不能轉圓石石不能圓不能赴深蹊

故曰兵者因地而強地者因兵而出善用兵者高
 丘勿向背丘勿迎負陰抱陽養生處實則無百疾
 是故諸侯自戰于其地曰散地入人之境不深曰
 輕地彼此皆利曰爭地彼我可往曰交地屬諸
 侯之國曰衢地深入背人城邑多曰重地山林沮
 澤險阻曰圯地出入紆隘彼寡可以擊吾衆者曰
 圍地疾戰則存不疾戰則亡曰死地故曰散地無
 戰輕地無留爭地無功交地無絕衢地則合重地
 則掠圯地則行圍地則謀死地則戰是故城有所

不攻計不合也地有所不愛未見利也君命有所
 不聽不使于事也九地之勢九事之權良將行之
 智將行之智將遵之而旅將非之欲幸全勝非龜
 魚舞蛇未之准也

兵行篇第二十

經曰夫兵之興也有形有神旗幟金鼓依于形智
 謀計事依于神戰勝攻取形之事而用在神虛實
 變化神之功而用在形形粗而神細形無物而不
 能鑿神無物而不能察形詭而惑事其外神密而

員事其內觀形不見其神不知其事是以曳柴揚塵形其衆也滅灶滅火形其寡也勇而無剛當敵而速去之形其退也斥山澤之險無所不致形其進也油幕布帔冠諸樹株形其強也偃旗卧鼓寂若無火形其弱也故曰兵形象陶人之挺土龜氏之冶金為方為員或鼎或鍾土金無常性因功以為名戰陣無常勢因敵以為形故形兵之極至于無形無形則深間者不能窺智者不能謀因形而措勝于衆衆不能知人皆知我所以勝之形而莫

知吾所以制勝之形形不因神不能為變化神不因敵不能為智謀水因地而制形兵因敵而制勝者也

作戰篇第二十一

經曰古之善戰人者如轉木石木石之性員則行方則止行者非能行而行勢不得不行止者非能止而止勢不得不止夫善戰人者自鬪于其地則散投之于死地則戰散者非能散而散勢不得不散戰者非能戰而戰勢不得不戰行止不立于木

在而制在于人散戰不在于人而制在于勢此因
勢之戰入也夫未見利而戰雖衆必敗見利而戰
雖寡必勝利者彼之所短我之所長是也見利則
起無利則止見利乘時帝王之資時之至間不容
瞬息先之則太過後之則不及見利不失遇時不
疑失利後時反受其害疾雷不及掩耳卒電不及
瞑目赴之若驚用之若狂此因利之戰入也夫戰
者左山澤右丘陵將高而下處生擊死此平陸之
戰入也遇敵無迫于水彼知不克致死于我因戰

猶鬪蜂蠆有毒况于人乎俟半濟而擊之先者知
克後者慕之蔑有鬪心敵逆水而來迎之于水內
此水上之戰入也左右山陵溪谷隘狹與敵相遇
我則金鼓蔽山旗幟依林登高遠斥出沒不馬此
山谷之戰入也勢利者兵之便山水平陸者戰之
地夫善用兵者以地強以謀取乃勢之戰
入者如建瓴水于高宇之上無復滯留有如破竹
數節之後迎刃而解無復著手矣

攻守篇第二十二

經曰地所以養人城所以守地戰所以守城內得
受焉所以守外得愛焉所以攻守不足攻有餘力
不足者守力有餘者攻攻入之法先絕其援使無
外救料城中之粟計入日之費糧多人少攻而勿
圍糧少人多圍而勿攻力未屈粟未盡城尚固而
拔者攻之至也力屈粟殫城壞而不拔者守之至
也夫守城之法以城中壯男為一軍壯女為一軍
老弱為一軍三軍無使相遇壯男遇壯女則費力
而奸生志散而力不專強壯遇老弱則老使壯者

悲弱使強者憐悲憐在心則使勇人更慮壯夫不
戰故善攻者敵不知所守善守者敵不知所攻

行人篇第二十三

經曰國君擇日登壇拜大將軍繕甲兵具卒乘出
則破人之國欺人之軍殺人之親虜人之俘而
糧萬里行于敵人之境而不知敵人之情者主之
過也將之罪也敵情不可求于星象不可求于鬼
神不可求于卜筮可求之于人事昔殷之興也伊
尹為夏之庖廚周之興也呂望為殷之釣叟秦之

事在石
無之間

然而理之至矣

帝也李斯為東山之獵夫漢之王也韓信為楚之亡卒魏之伯也荀彧為袁紹弄臣晉之也賈充任魏魏之起崔浩家晉收而用之故能臣七君而帝天下夫賢人出奔必有依人持君之衡是以决度仇有扈孤幼卑尊驩堯成鈞權三苗推移佞桀崇侯謂紂優倡惑晉故曰三賢去而殷虛二老歸而周熾子胥死而吳亡范蠡存而越伯晉殺入而秦喜樂毅出而燕懼將能收敵國之人任之以察其情戰何患乎未克故曰羅其英敵國傾羅其結

敵國空他山之石可以攻玉夫行人之用者有三

- 一曰因敵國之人來觀我釁我厚賂之使倒其事
- 二曰因敵國之人亡官得罪來奔于我高其爵重其祿察其辭覆其事實而任之虛而誅之以為鄉導
- 三曰吾使行人觀敵國之君左右執事孰賢孰愚中外近臣孰貪孰廉舍人謁者孰君子孰小人吾得其情因而隨之可就吾事夫三軍之重者莫重于行人三軍之密者莫密于行人行人之謀未發而泄以告之者皆死謀發之日削其藁焚其草金

其口木其舌無使內謀之泄若隼鳥之入重林無
其蹤如游魚之赴深潭無其跡離朱俛首不見其
形師曠傾耳不聆其音微乎微乎釁與織塵俱飛
其飽食醉酒勇力輕合之將而見行人之事乎

擇才篇第二十四

經曰人稟元氣所生陰陽而成淳和平淡元氣也
聰明俊傑陰陽也淳和不達權變聰明不識至道
夫人柔順安忍失其決斷可與修節難與權宜強
悍剛勇失於積惡可以守難難與持久貞良畏慎

失于狐疑可與守成難與謀始清介廉潔失于拘
局可與立節難與變通情性沉靜失于遲回可與
深慮難與應接聰明秀出謂之英膽力過人謂之
雄英者智也雄者力也英者不能果敢雄者不能
計謀故英得雄而行雄得英而成夫人有八性不
同仁義忠信智勇貪愚仁者好施義者好親忠者
好直信者好守智者好謀勇者好決貪者好取愚
者好矜人若合于仁義則天下親合于忠信則四
海賓合于智勇則諸侯臣合于貪愚則受制于人

武備志卷一四
仁義可以謀從，智勇可以謀衡。從成者，王衡成者，伯伯王之道，不在于兵強，士勇之際，而在于仁義。智勇之間，此謂偏才之人，未足以言。大將若能以柔以剛，能翕能張，英而有勇，雄而有謀，員而能轉，還而能端，智周萬物，而道濟天下，八通之人，可足。以言大將，故曰：將者，國之輔，輔周則國必強，輔隙則國必弱。是謂人之司命。國家安危，係之不可不察也。明主所以擇人者，量其才，通其周，監其貌，厚而貴，察其心，貞而明，居高遠望，徐視審聽，神其形。

聚其精，若山之高，不可極；若淵之深，不可測。然後察其賢愚，擇其智勇，事乃可任也。夫擇聖以道，擇賢以德，擇智以謀，擇勇以名，擇貪以利，擇奸以間，隙擇愚以危事，或同而觀其道，或異而觀其德，或權變而觀其謀，或攻取而觀其勇，或才而觀其利，或押闔而觀其間隙，或恐懼而觀其危事。故曰：欲取其來，先察其往；欲求其古，先察其今；先察而任者，存；先任而察者，亡。昔市偷自育于晉，晉察而用之，滕焚伊尹自于湯，湯察而用之，放桀。智能之

士不在遠近仁者不困危無以廣其德智士不棄
時無以舉其功王者不絕代以立其義伯者不强
敵以遺其患明王任人不失其能直士舉賢不容
于代夫無萬人智者不可栖于萬人以上故曰不
知軍中之事而同軍中之政則軍士惑矣不知三
軍之任者則軍覆矣三軍既覆而疑則諸侯之難
至矣如是則君不虛王臣不虛貴所謂君道知臣
臣道知術知事者也

武備志卷十四

武備志卷十五

防風茅門儀衛

兵訣評

太白陰經三

授鉞篇第二十五

經曰國有疆場之役天子居正殿召將軍詔之曰
朕以不德謬承天運使戎狄擾攘草竊邊垂日旰
忘食憂在寢寐勞將軍之武帥師以應乏將軍再
拜受詔乃令太史卜齋三日于廟拂龜太史擇日

以授斧鉞君入廟北面而立親操鉞以柄授將軍曰從此以往上至於上將軍制之復操斧以柄授將軍曰從此以往下至於衆將軍制之將軍既授命跪而答君曰臣聞治國不可外理理軍不可從內御二心不可以事君疑志則可以應敵臣既授命專斧鉞之威臣不敢生還願君亦無垂言之命于臣臣不敢將軍許之乃辭而行軍中之事不聞君命皆由於將軍將出臨敵決戰無有二心若此無天於上無地於下無敵於前無主於後是故智

者為之慮勇者為之闘氣麗青雲疾若馳電兵不接刃而敵降服戰勝於外功立于內是以將軍乃縞素避舍請罪于君君命舍

部署篇第二十六

經曰兵有四正四奇總有八陣或合而為一或離而為八以正合以奇勝餘奇為握奇聚散之事勢節制之變也一萬二千五百人為一軍一萬二千象十二月五百象閏餘窮陰極陽備物成功征不義代無道聖人得之以興亂人得之以廢廢與存

立昏明之術皆由兵也司馬穰苴曰五五爲部二
伍爲部部隊也一軍凡二百五十隊十以二爲奇
風后曰餘奇爲握奇軍故一軍以二千七百五十
人爲奇兵隊也十有五外餘八千七百五十人
百七十五隊分爲八陣陣有一千一百九十三人
七分五銖軍有二十二隊欠七人以爲一陣之總
管舉一軍則千軍可知矣

將軍篇第二十七

經曰將軍之衆百萬之師張設輕重在千一人不

可不察也一人大將軍智信仁勇嚴賢明者任之
二人副大將軍智信仁勇嚴忠敬平直者任之
一主軍糧一主兵馬四人總軍嚴勇諒識軍容者任
之一人主左右虞候二人主押衛八人子將明行
陣辨金鼓曉部署者任之八人大將軍別奏一十
六人大將軍別奏八人副大將軍別奏一十六人副
大將軍別奏八人總管別奏一十六人總管別奏一十
六人子將別奏並忠勇驍果兼一孝義有勢能者任
之二人判官深沉密謀計事情傳者任之偏僻者

不可任也一主軍糧一主軍馬典簿四人行謹厚
明書算明理體者任之一人主軍糧一人主兵馬
一人主軍令斷決罪一人主軍儀掌賓客祭祀

陣將篇第二十八

經曰古者主立於陽太夫立於陰是以臣不得窺
君下不得窺上則君臣上下之道格矣夫智鈞則
不能相侵力鈞則不能相勝權鈞則不能相懸道
同則不能相君性同則不能相生情異則理情同
則亂任軍將以智任陣將以勇以勇以智謀何得

不從哉一人偏將軍勇猛果敢揮戈舞劍力制百
人輕合好鬪者任之二人副偏將軍明鬪於敵有
死戰力守成規而不失者任之四人子將目明旌
旗耳察金鼓心存號令宜存威德者任之二人虞
候心多詭譎陰伏探覘非常伺察動靜飛符走檄
安忍好殺者任之二人承局差點均平無漏無失
糾舉必中者任之六人偏將軍別奏一十二人偏
將軍兼六人副將軍別奏一十二人副偏將軍兼
八人虞候兼並忠厚孝義驍勇果敢藝能者任之

一人判官主財帛倉庫出納軍器刑書公平者任之
二人典簿明書真謹厚者任之

隊將篇第二十九

經曰智者之使愚也必聾其耳瞽其目迷其心然後用其命如驅羣羊驅往驅來莫知其所之師與之日登高去其梯入諸侯之境登其梁役之以事勿告之以言勿語之以利勿告之以害則士何得其二心而致其身如此則生死聚散聽之於我所謂良將一人押官主軍隊習戰鬪識旗鼓者任之

一人隊頭二人隊副主文書名曰典簿酬功行賞行列疎密並責成乏知勞苦明部隊邪曲明曉者任之
一人乘旗一人副旗壯勇者任之
一人抱鼓主曆明嚴誓進止節制氣勇志銳者任之
一人吹角主收進鼓怯懦退昏昧明節者任之
一人司兵主五兵利銳支分器仗明解者任之
一人司倉主給付軍糧財帛清廉者任之
一人承局主雜供差役無人情惡口舌者任之
五人火長主厨傳飲食扶病掩死守火內衣資樵搖不預戰陣不預仁惠

者任之

征馬篇第三十

經曰夫戎馬必安其處所適其水草節其饑飽冬則溫廐夏則涼厩尅則剔毛衣謹四落壓其耳目無令驚駭習無馳逐閑其進止人馬相親然後可使鞍勒轡御必令完堅乏絕輒補凡馬不傷於木不傷於始不傷於餓必傷於飽日莫道遠必數上下寧勞於人慎勿極馬常令有備敵難覆我能明此者可以橫行八表凡馬軍人支馬兩足軍征馬

二萬五千其無馬亦加五支合以一定為率一人征馬副使副大將軍中擇善養牧者任之二人征馬總管副偏將軍中擇善牧者任之五百人羣頭善騎馬奔走者任之獸醫亦于羣頭中取如無別差一千人馬于軍外差之

鑿人貌篇第三十一

經曰凡人觀其外足以知其內七竅者五臟之門戶三亭九候定於一尺之面愚智勇怯形於一寸之眼天倉金匱以別富貴貧賤夫欲任將必視其

貌鑒其神乃知其心容貌堂堂精神清徹聲色玉帛不變其志榮枯喜怒不易其操是謂神明有餘頭項豐停腹背穰厚鼻圓而直口方而稜兩額相臨顴耳高聳肉多而不餘骨粗而不露眉自明朗手足紅鮮坐下而就高比大而獨小是謂形有餘隱惡揚善無疾人無貪欲無危人以自安陰德惠信豁達大度不拘小節是謂心有餘
虎頭高視富貴無比犀頭律峯富貴鬱鬱象頭高廣福祿俱長鹿頭側長志氣雄強龜頭都縮

酒肉懶頭悶狹志氣豁達駝頭蒙鴻福祿千鍾蛇頭平薄財物獲落貉頭細小窮厄無計兔頭隄削志氣卑下狗頭尖圓泣涕漣漣眉直頭昂富貴吉昌眉薄而稀少信多欺髮欲細密鬚欲粗疎眼光彩明淨者富貴眼鼻成就者魂魄強美眉目指爪者好施眼鼻口小者多虛無實鼻大者有實無虛眼中赤脉貫瞳子者兵死雞眼捲頭不淫則偷羊目直視能殺妻子猪目定澄刑禍相承蜂目狼聲常行安忍螻蛄目心難得猴目窮寒鷹視狼顧常

前備志卷十五
懷嫉妬牛頭虎視富貴無比鼻準圓實富貴終吉
口鼻小縮慳貧不足蜣螂鼻少意志野狐鬚難期
信狡癯髭鬣多有狐疑口如馬喙心性難制口如
馬嘴窮寒客死口如江海富貴自在唇口如珠才
學世無舌紅且厚神識自厚吐舌及鼻壽而且貴
鋸齒食肉平齒食菜踈齒猛股密齒淳和細齒長
壽名曰倪齒燕領封侯耳輪厚大者貴且壽小薄
者大而賤虎項員粗富貴有餘鶴頭項是錢財之
少頸粗短者富貴長壽長細者貧賤背如龜背

貴巍巍骨長而方智慧無雙手足纖穠指欲密而
厚者富貴手如鳥足意智福促手如猪蹄志氣昏
迷手如猿掌勤劬伎倆肚如垂囊富貴吉昌牛肚
貪婪狗肚窮寒蝦蟆肚懶場蜥腰緩聲欲深且實
不欲淺而虛遠而不散近而不亡淺而能壯深而
不藏大而不濁小而不彰細而不亂幽而能明餘
響微微有若笙簧宛轉流連能員能長虎聲將軍
馬聲驍勇雄聲而雌視者虛偽人也氣急而聲重
者實直人也黑子欲得大而明生隱處吉露處凶

人面欲圓，腰欲方，尻欲厚，背欲圓，上欲長，下欲短。五岳成，四瀆就，頭高足厚，項短臂長，似龍似虎，所謂行住坐卧飲食聲音並可觀也。右鑿頭，白眉鬚，鼻耳口舌法。腦骨縫起者，將軍。呂玉關枕萬戶侯，小將軍。品升階枕二千石，品五岳枕大將軍。品雙枕大將軍。品車輻枕封公侯。品三星枕封侯。品凸偃月枕至三公。品枕封侯。品十方枕三千石，凸酒樽枕二千石，三公。品凸枕封侯。○枕額上覆月，文將軍。八眉上有紋通髮者，將軍。眉間有土字紋者，封侯。眉間有文字

者，兵死。凡人色欲止不欲，邪白如凝脂，黑如純漆，紫如爛椹，黃如蒸粟，赤如炎火，青如浴藍，皆三公也。右鑿頭骨，玉枕紋法。

誓衆軍令篇第三十二 原三十三

經曰：陶唐氏以人成於國中，欲令人強其命也。有虞氏以農教戰，漁獵簡習，故人體之。夏后氏誓衆於軍門之外，欲令先以意待事也。周將交白刃而誓之，以致人意。夏賞於朝，賞善也。殷戮於市，威不善也。周賞于朝，戮于市，兼誓武也。夫人以心定言。

定言以出令故須振雄略出勁詞銳鐵石之心凜
風霜之氣發揮號令申明軍法誓衆文曰某將軍
某乙告不太將軍吏士位等聖人弦木爲弧刻木
爲矢以威天下蓋取諸睽兼弱攻昧取亂侮亡今
某氏不恭式干皇命皇帝授我斧鉞肅將天誅有
進死而榮無退生而辱用命賞於祖不用命戮於
社軍無一令將無一言勉爾乃誠敬從王命無干
典刑經曰師衆以順爲武軍事有死無犯爲敬故
穰苴斬莊賈魏絳戮楊干而名聞諸侯威震隣國

令之不行不可以稱兵三令而不如法者吏士之
罪也申明而不如者將之過也先甲三日懸令於
軍門使軍正執木宣於六軍之衆有犯令者令軍
正准令按集軍人而後行刑使六軍皆知之者
一漏泄軍中陰事及告人以事者皆斬
一背軍逃走者斬在道路及營中
一不戰而降敵人者藉沒其家背順歸降
一後期者斬計事會戰因雨
一行列不齊旌旗不整金革不鳴主守皆斬教旗

會戰
同之

一與敵私交通者斬藉沒家產
言諸家書同

一失主將者斬即從

一失旗鼓節鉞金隊斬為敵所取

一臨難不相救者斬

一訛言詭惑妄說陰陽卜筮者斬妄言鬼神災祥以動衆心者同

一無故驚軍者斬呼奔走妄說言

一道棄五兵軍裝者斬拾而不公者同

一自相竊盜者斬針一縷皆同

一將吏守事不平賊情相容者斬理事曲情同之

一以強凌弱樗蒲忿爭酌酒喧呼惡罵無禮於理

一不順者斬夫暴也因公宴會醉者不坐

一軍中奔車走馬者斬自入陣將軍以下並步入管乘騎入者同

一破敵先擄掠者斬入敵境中同

一更鋪失候犯夜失號正宿地火者斬恐奸得計

一守圍不固者斬罪及主吏

一不伏差遣及主吏役使不平者斬有私及強梁同

一使欺居人奸居人女婦及入營者斬

一違將軍一時之令者斬

武備志卷十五

[Faint bleed-through text from the reverse side of the page, including characters like '將軍', '令', '斬', '人', '營', '各', '隊']

